

命
書
地
理
志
校
注

善地
地理志
卷之二

漢書地理志校注卷下

原題校字今據墓志更正

蕭山王紹蘭著

同邑後學陳光淞校刊

會稽郡

家兄穀賸曰地理志當如表式分上下方而旁行書之疆界井然可見會稽郡卽其例也紹蘭按續漢書律厯志推入部術一條分爲四格第一天紀歲名自甲子癸卯以後第二地紀歲名自庚辰丙申以後第三人紀歲名自庚子丙辰以後第四部首自庚申一丙子二以後皆旁行如表式又黃道去極一條分爲八格第一二十四氣第二日所在第三黃道去極第四晷景第五晝漏刻第六夜漏刻第七昏中星第八

巨中星亦皆旁行如表式此志有表式之證也它如後漢書馬武傳後載圖畫二十八將及王常李通竇融卓茂合三十二人於南宮雲臺今本一行平列名位參差薛士龍取其文相閒者分作兩排讀之然後次第秩然逸周書諡法解盧氏召弓謂亦當分作兩重墨子經上曰讀此書旁行正無非皆此例矣今依式列之於左

吳 郡治

曲阿 今鎮江府丹陽縣

烏傷 今金華府義烏縣

毗陵 今常州府

餘暨 今紹興府蕭山縣

陽羨 今常州府宜興縣

諸暨 今紹興府諸暨縣

無錫

今常州府無錫縣

山陰

今紹興府山陰縣

丹徒

今鎮江府丹徒縣

餘姚

今紹興府餘姚縣

婁

今蘇州府崑山縣

上虞

今紹興府上虞縣

海鹽

今嘉興府海鹽縣

剡

今紹興府嵊縣

由拳

今嘉興府

太末

今衢州府西安龍游等縣

烏程

今湖州府烏程縣

句章

今寧波府鄞及慈谿等縣

餘杭

今杭州府餘杭縣

鄞

今寧波府鄞及奉化等縣

錢唐

今杭州府錢塘縣

鄞

今寧波府鄞縣

富春

今杭州府富陽縣

治

今浙閩濱海等縣治志

回浦

東部都尉治東志譌南據太平御覽訂正今寧波台州一府皆有其地

按漢吳縣爲會稽郡治居首故列上方而別自爲行

漢回浦縣為東部都尉治居末故列下方亦別自為

行其上方之曲阿毗陵陽羨無錫丹徒婁今隸江蘇

在大江以南海鹽由拳烏程餘杭錢唐富春今隸浙

江在浙以西當漢時則太守統轄之其武職竝為西

部都尉所掌也下方之烏傷餘暨諸暨山陰餘姚上

虞剡太末句章鄞鄞今隸浙江在浙以東治則閩浙

沿海之地北自鎮海南至同安當漢時亦太守統轄

之其武職竝為東部都尉所掌也漢書閩粵王傳稱

漢立無諸為閩粵王王閩中故地都治又立搖為東海王都東甌海內

南經甌居海中閩在海中郭璞注謂臨海永寧縣即

東甌閩越即西甌漢書楊雄傳東南一尉孟康謂即

會稽東郡都尉吳志虞翻傳注引會稽典錄元鼎五

年除東越因其地為治立東部都尉後徙章安續

志章安故治是閩中有治東甌亦有治也甌閩竝在

岐海中元鼎中設東部都尉其治在回浦今志回浦
下譌作南部據孟康注及典錄皆稱東部與御覽所
引志文正合會稽南部之名吳時始漢志分別部居
見殆非漢制詳見治縣及回浦下

不相雜廁今本直書參差幾不可讀由會稽一郡推
之其它郡可知而次第之凌獵蓋又有甚焉者矣

曼壽謹按後漢書順帝紀永建四年分會稽爲吳郡

吳志虞翻傳注引會稽典錄曰永建四年劉府君上

書浙江之北以爲吳郡會稽還治山陰太平御覽

卷一百七十一引輿地記曰順帝時陽羨人周嘉上書請分浙

江西爲吳郡東爲會稽郡今攷續志會稽郡所屬正

如前志之下方吳郡所屬正如前志之上方益知志

有表式茲亦依式列之於左

會稽郡

吳郡

山陰

吳

鄞

海鹽

烏傷

烏程

諸暨

餘杭

餘暨

毗陵

太末

丹徒

上虞

曲阿

剡

由拳

餘姚

安

養新錄曰疑即婁之環字因婁譌為安校善家疑有脫漏又增婁於無錫下并改十二城為十三

句章

富春

鄞

陽羨

章安

故治閩越地光武更名

無錫

永寧

永和三年以章安縣東甌鄉為縣

婁

養新錄曰監本無婁字新刊本依宋本增之其實宋本未必是監本未必非也

東部

今温州府輿地志曰永嘉郡本會稽東部地

曼壽謹按續志章安下劉昭注引晉元康記曰本鄞

縣南之回浦鄉章帝章和元年立未詳蓋謂章安本

回浦鄉而志云故治閩越地本章帝置而志云光武

更名故引元康記以疑之曰未詳

元康宋書州郡志十道志竝作太康

今攷前書錢唐下云西部都尉治回浦下云南部都

尉治南部御覽引作東部典錄亦言東部東部正與

西部對文

宋書州郡志東陽太守本會稽西部都尉臨海太守本會稽東部都尉此吳時制也

交主下

遺經樓校本

亦東部西部相對立文漢制郡有都尉漢書百官公卿表郡尉秦

之證更知南部之謠矣千石景帝中二年更名都尉官掌佐守典武職甲卒秩比二千茲取續志區以別之

列於上方之會稽郡自山陰至東部其武職皆東部

都尉所掌列於下方之吳郡自吳至婁其武職皆西

部都尉所掌條理分明一覽可曉是知前書之治據

東部當分屬閩甌續志之章安據故治當附近回浦

司馬彪言故治甚明言閩越地則混師古亦仍其誤蓋不知

南部當為東部東部兼典甌閩故有此說以致劉昭

之疑也

毗陵季札所居江在北東入海揚州川

吳縣下云南江在南東入海揚州川丹陽郡蕪湖縣

下云中江出西南東至陽羨入海揚州川以證此文
江上當有北字續志毗陵季札所居北江在北全用
班志之文作北江亦其證也胡朏明所見宋本漢志
正作北江

大末穀水東北至錢唐入江莽曰末治

水經漸江水注云浙江又東北流至錢唐縣穀水入
焉水源西出大末縣縣是越之西鄙姑蔑之地也秦
以爲縣王莽之末理也又云穀水又東入錢唐縣而
左入浙江故地理志曰穀水自大末東北至錢唐入

浙江是也今本漢志江上奪浙字末理之文亦與志

異

或後人避唐諱改

酈注以漸水爲浙江非地理志所謂浙

江也

餘杭莽曰進睦

漸江水注作淮睦

錢唐西部都尉治

後漢書任延傳拜會稽都尉不言何部據東觀漢記

任成傳更始拜為會稽西部都尉

藝文類聚卷六引續漢書作南部誤

彭脩傳會稽毗陵人仕郡為功曹時西部都尉宰鼂

行太守事吳志程普傳孫策入會稽以普為吳郡都

尉治錢唐

此即漢志西部都尉治

朱治傳遷吳郡都尉治從錢

唐欲進到吳蔣欽傳遷西部都尉顧雍傳雍孫承後

為吳郡西部都尉此皆錢唐為西部都尉治之證也

治

治乃治字之譌當據宋書州郡志訂正漢書閩粵王

傳漢五年立無諸爲閩粵王王閩中故地都治師古曰治

音弋者反孝惠三年立搖爲東海王都東甌紹蘭按武帝

紀元鼎五年夏南越反秋東越反元封元年詔曰南

越東甌咸伏其辜是東越卽東甌吳王濞傳吳王走

丹徒保東越東越使人縱殺吳王吳王太子駒亡走

閩粵是東越非閩粵海內南經甌居海中閩在海中

郭璞注云今臨海永寧縣卽東甌在歧海中閩越卽

西甌今建安郡是也亦在歧海中吳志虞翻傳注引

會稽典錄元鼎五年除東越因以其地爲治宋書州

郡志建安太守本閩越秦立爲閩中郡漢武帝世閩
越反滅之徙其民於江淮間虛其地後有遁逃山谷
者頗出立爲冶縣屬會稽司馬彪曰章安是故冶然
則臨海亦冶地也今按如郭璞說是閩越爲西甌臨
海爲東甌如典錄宋志說是閩越有冶地臨海亦有
冶地蓋甌閩皆在榕海中地本毗連雖有東西甌之
分而竝海皆冶地故閩越傳云都冶史記東越列傳
則云都東冶明治地廣延因加東以別之閩中俾東
冶嚴助傳閩王以八月舉兵於治南東甌有冶地朱
蘇林曰山名也今名東冶屬會稽
臣傳是時東越數反覆買臣因言故東越王居保泉
山一人守險干人不得上今聞東越王更徙處南行
去泉山五百里居大澤中東
越卽東甌其冶地之廣可知
其實皆會稽之冶縣也

宋志又謂句踐治鑄之所故謂之冶紹蘭謂越絕外

傳有歐冶歐歐同聲歐本水名在永嘉東越列傳都

姚氏云歐水名永嘉記水出臨山行三十餘里去郡城五里入江舊有東歐王都城有亭積石為道今猶

在也歐冶子蓋以水為氏以善冶故號為冶然則東西

歐之歐冶縣之冶竝因歐冶得名與

回浦南部都尉治

南部太平御覽卷一百一十一引漢志作東部漢書揚雄傳

東南一尉孟康曰會稽東部都尉也吳志虞翻傳注

引會稽典錄云府君曰會稽太守吾聞秦始皇二十

五年以吳越地為會稽郡治吳漢封諸侯王以何年

復為郡而分治於此育對曰山陰劉賈為荆王賈為

英布所殺又以劉濞為吳王景帝四年濞反誅乃復

為郡治於吳元鼎五年除東越因以其地為治今本

涉上下文諸治字而誤并屬於此而立東部都尉後

徙章安又徙治鄞御覽卷二百四十一引臨海記曰

撫二越所謂東南一尉者也按候官屬閩越漢末建

安初置武帝元鼎時無候官東南一尉東南指地言

不謂東部南部志地者以此為東部南部之據則是

是其明證矣蓋元鼎五年立東部都尉鎮撫二越後

徙章安又徙治鄞鄞之南鄉即回浦地與漢志典錄

茲合說或有寇害復徙句章到永建四年劉府君上

書浙江之北以為吳郡會稽還治山陰典錄朱育述

會稽顛末甚詳亦稱元鼎五年以東越之地為治立

東部都尉與御覽所引孟康所說皆合則回浦下之

南部當為東部無疑也後漢書順帝紀陽嘉元年海

賊曾旌等寇會稽殺句章鄞鄮三縣長攻會稽東部

都尉續漢書律麻志注引袁山松書劉洪遷會稽東

部都尉據云延熹中洪以校尉應太史徵拜郎中遷

檢東觀著作律麻記遷謁者穀城門候會稽東部都

尉計其為都尉當在桓靈之間也此皆東部譌南部

之證是漢時皆稱東部後漢書任延傳拜會稽都尉不

文類聚卷六引續漢書譌作南部其他如吳志全琮

傳父柔漢靈帝時拜會稽東部都尉張紘傳建安四

年為會稽東部都尉孫亮傳太平二年以會稽東部為臨

海郡亦皆宋書州郡志云後分治地為會稽東南二
部都尉東部臨海是也南部建安是也今按會稽南
部之設前後漢書皆無其文吳志孫休傳永安三年